

大方廣佛華嚴經疏鈔會本第六十五 翦七

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時善財童子於善知識所起最極尊重心

生廣大清淨解常念大乘專求佛智願見諸

佛觀法境界無障礙智常現在前決定了知

諸法實際常住際一切三世諸刹那際如虛

空際無二際一切法無分別際一切義無障

礙際一切劫無失壞際一切如來無際之際

於一切佛心無分別破衆想網離諸執著不

取諸佛衆會道場亦不取佛清淨國土知諸

衆生皆無有我知一切聲悉皆如響知一切色悉皆如影

第十慈行童女寄灌頂住

寄灌頂住從前
觀空得無生心

最爲上首諸佛
法水灌其頂故文六同前初依教趣求中

二先修入前教於中初二句重友解生次
二句念來思佛次觀法下智證實際初句
能觀智現決定下所證窮極後於一切佛
下離障自在

漸次南行至師子奮迅城周徧推求慈行童

女聞此童女是師子幢王女五百童女以爲
侍從住毘盧遮那藏殿於龍勝栴檀足金線
網天衣座上而說妙法

二漸次下趣求後友於中初至處次聞名
五百爲侍者以一期位滿總攝五位十

法門互相涉入之法而相應故

善財聞已詣王宮門求見彼女見無量衆來
入宮中善財問言諸人今者何所往詣咸報
之言我等欲詣慈行童女聽受妙法善財童
子即作是念此王宮門既無限礙我亦應入

二敬三問並可知

善財入已見毘盧遮那藏殿玻璃爲地瑠璃爲柱金剛爲壁闔浮檀金以爲垣牆百千光明而爲憲牖阿僧祇摩尼寶而莊校之寶藏摩尼鏡周匝莊嚴以世間最上摩尼寶而爲莊飾無數寶網羅覆其上百千金鈴出妙音

第十七

二

聲有如是等不可思議衆寶嚴飾其慈行童女皮膚金色眼紺紫色髮紺青色以梵音聲而演說法

第二善財聞已下見敬諮問中亦三初見中先明遠見表得門未證故後善財入已

下親覩依正等

善財見已頂禮其足繞無數匝合掌前住作如是言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能誘誨願爲我說

時慈行童女告善財言善男子汝應觀我宮殿莊嚴善財頂禮周徧觀察見一一壁中一柱中一一鏡中一一相中一一形中一一摩尼寶中一一莊嚴具中一一金鈴中一一寶樹中一一寶形像中一一寶瓔珞中悉見法界一切如來從初發心修菩薩行成滿大願具足功德成等正覺轉妙法輪乃至示現入於涅槃如是影像靡不皆現如淨水中普見虛空日月星宿所有衆像如此皆是慈行童女過去世中善根之力

三

第三時慈行童女下正示法界中二令觀親證並依中見正小大念劫皆無礙等十住位終故約報顯

爾時善財童子憶念所見諸佛之相合掌瞻

仰慈行童女爾時童女告善財言善男子此是般若波羅蜜普莊嚴門我於三十六恒河沙佛所求得此法彼諸如來各以異門令我入此般若波羅蜜普莊嚴門一佛所演餘不重說

二爾時善財下以言顯發於中二先顯法名因後彰法勝用前中初善財默請後童女言答答中初示名名般若普莊嚴者有二義一由般若照一切法依中有正一中有多故所得依無所不現般若中云了色是般若一切法趣色即其義矣二由能證般若已具諸度莊嚴故所證所成亦莊嚴無盡次下顯因云彼諸如來各以異門令我入此即其義也總攝三十六恒沙之別歸於普門則一嚴一切嚴故名普嚴言三

十六恒沙者住位既滿則六度之中一一具六故爲三十六皆恒沙性德本覺中來故云佛所求得般若等者即大品經意具色是般若一切法趣色尚不可得云了色當有趣非趣如是具歷諸法皆然若般若意似當諸法之性不異色性故皆趣色若不得當相性空既無所趣安有能趣若智空者意一切法趣色是假觀色尚不可得是空觀云何當有趣非趣即中道觀今疏用普收意但要初句以取色性爲諸法依以事性是般無礙之意故隨一法皆收法界故得依果事界一一境中具諸莊嚴則莊嚴屬果以果謂因名普莊嚴第二意即因自莊嚴言三十六下但約表義若約事釋如休捨處善財白言聖者此般若波羅蜜普莊嚴門境

界云何童女答言善男子我入此般若波羅蜜普莊嚴門隨順趣向思惟觀察憶持分別時得普門陀羅尼百萬阿僧祇陀羅尼門皆悉現前

二善財白言下顯法勝用先問後答答中

先總後所謂下別總中初明修習契證相應後得普門下總明所得業用陀羅尼以智爲體由得般若普嚴故能總持萬法一切持故云普門以圓融十住亦同十地所得無量百千阿僧祇陀羅尼門又彼

第七

四

總此別但舉一持餘三昧等畧而不說又

總此別者謂地經之中但云無量百千阿僧祇陀羅尼門解說門三昧門亦然設有一十八門總持故云別也

所謂佛刹陀羅尼門佛陀羅尼門法陀羅尼門衆生陀羅尼門過去陀羅尼門未來陀羅

業陀羅尼門業不失壞陀羅尼門業流注陀羅尼門業所作陀羅尼門捨離惡業陀羅尼門修習正業陀羅尼門業自在陀羅尼門善行陀羅尼門持善行陀羅尼門
三昧陀羅尼門隨順二昧陀羅尼門觀察三昧陀羅尼門三昧境界陀羅尼門從三昧起陀羅尼門神通陀羅尼門
心海陀羅尼門種種心陀羅尼門直心陀羅尼門照心稠林陀羅尼門調心清淨陀羅尼門

尼門現在陀羅尼門常住際陀羅尼門
福德陀羅尼門福德助道具陀羅尼門智慧陀羅尼門智慧助道具陀羅尼門諸願陀羅尼門分別諸願陀羅尼門集諸行陀羅尼門清淨行陀羅尼門圓滿行陀羅尼門

知衆生所從生陀羅尼門知衆生煩惱行陀羅尼門知煩惱習氣陀羅尼門知煩惱方便陀羅尼門知衆生解陀羅尼門知衆生行陀羅尼門知衆生行不同陀羅尼門知衆生性陀羅尼門知衆生欲陀羅尼門知衆生想陀

羅尼門

普見十方陀羅尼門說法陀羅尼門大悲陀羅尼門大慈陀羅尼門寂靜陀羅尼門言語道陀羅尼門方便非方便陀羅尼門隨順陀羅尼門差別陀羅尼門普入陀羅尼門無礙際陀羅尼門普偏陀羅尼門佛法陀羅尼門菩薩法陀羅尼門聲聞法陀羅尼門獨覺法陀羅尼門世間法陀羅尼門

世界成陀羅尼門世界壞陀羅尼門世界住陀羅尼門淨世界陀羅尼門垢世界陀羅尼門於垢世界現淨陀羅尼門於淨世界現垢陀羅尼門純垢世界陀羅尼門純淨世界陀羅尼門平坦世界陀羅尼門不平坦世界陀羅尼門覆世界陀羅尼門因陀羅網世界陀羅尼門世界轉陀羅尼門知依想住陀羅尼

門細入麤陀羅尼門麤入細陀羅尼門見諸佛陀羅尼門分別佛身陀羅尼門佛光明莊嚴網陀羅尼門佛圓滿音陀羅尼門佛法輪陀羅尼門成就佛法輪陀羅尼門差別佛法輪陀羅尼門無差別佛法輪陀羅尼門解釋佛法輪陀羅尼門轉佛法輪陀羅尼門能作佛事陀羅尼門分別佛衆會陀羅尼門入佛衆會海陀羅尼門普照佛力陀羅尼門諸佛三昧陀羅尼門諸佛三昧自在用陀羅尼門諸佛所住陀羅尼門諸佛所持陀羅尼門諸佛變化陀羅尼門佛知衆生心行陀羅尼門諸佛神通變現陀羅尼門住兜率天宮乃至示現入於涅槃陀羅尼門利益無量衆生陀羅尼門入甚深法陀羅尼門入微妙法陀羅尼門

菩提心陀羅尼門起菩提心陀羅尼門助菩
提心陀羅尼門諸願陀羅尼門諸行陀羅尼

門神通陀羅尼門出離陀羅尼門總持清淨
陀羅尼門智輪清淨陀羅尼門智慧清淨陀
羅尼門菩提無量陀羅尼門自心清淨陀羅

尼門

第七

七

二別顯中有百一十八門畧分十位初八
總知依正理事持二福德下九門明願行
持三業下九門明業持四三昧下六門明
正受體用持五心海下五門染淨諸心持
六知衆生下十門知所化持七普見十方
下十七門知能化持八世界成下十七門
明知刹海自在持於中言世界轉者普經
云迴轉世界九見諸佛下二十五門知佛
海自在持十菩提心下十二門明菩提因

果持自心清淨即性淨菩提總攝諸門不
出於此

善男子我唯知此般若波羅密普莊嚴門
如諸菩薩摩訶薩其心廣大等虛空界入於
法界福德成滿住出世法遠世間行智眼無
暫普觀法界慧心廣大猶如虛空一切境界
悉皆明見獲無礙地大光明藏善能分別一
切法義行於世行不染世法能益於世非世
所壞普作一切世間依止普知一切衆生心
行隨其所應而爲說法於一切時恒得自在
而我云何能知能說彼功德行

第四謙已推勝可知

善男子於此南方有一國土名爲三眼彼有
比丘名曰善見汝詣彼問菩薩云何學菩薩
行修菩薩道

第五指示後友國名三眼者施爲行首復開導自他如目導餘根故名爲眼財施無著成於慧眼無畏之施成於慈眼法施開於法眼故復云三用上三眼見無不善又施行內成勝報外現見者皆善故出住之行故以出家表之又行本令物得出離故時善財童子頂禮其足繞無數帀戀慕瞻仰辭退而行

上明十住竟

爾時善財童子思惟菩薩所住行甚深思惟菩薩所證法甚深思惟菩薩所入處甚深思惟衆生微細智甚深思惟世間依想住甚深思惟衆生所作行甚深思惟衆生心流注甚深思惟衆生言說甚深思惟莊嚴法界甚深

思惟種植業行甚深思惟業莊飾世間甚深大文第三善見已下有十善友寄十行位位各一人初善見比丘寄歡喜行寄歡喜行者隨自他故名歡喜文亦具六初依教趣求中亦二先念前友教中有十三句初總餘別別分爲三初二約菩薩論深一所證法界即事而真故二入菩薩地智唯證相應故初二菩薩者理約菩薩智一對次有七句約衆生辨深一報類難知故一報類難知者二妄想爲因即無性教二妄想爲因即無性二妄想爲因即無性者妄想爲因釋依想住即無性言釋於甚深故據如云前聖所知轉相傳授妄想無性斯爲自覺聖智之境故甚深也三染分行業唯佛知故三染分行業等者以約衆生等爲自覺聖智之境故甚深也四染分行業等者以約衆生等爲自覺聖智之境故甚深也

知故四感異熟識者行相深細故經云阿修羅見自心生滅流注又經云諸識有二種住謂流注生相生有二種住謂流注生

相注有二種滅謂流注滅相滅古同釋云
流注是八識相續然相有三種已如前引

今此即剎那流注與上照見自心生滅流
注義相符合也若常照之見其無性即自覺

故聖智五所變影像若內若外緣無性故

變影像等者相分即是影像第八緣三種

境境即相分謂種子根身即內境也器世
間即外境也變現心所等皆是內也色為

二所現影亦通內外即五塵內即五根

六名無得物之功而不失所名之物故名

無得物之功七文字言說皆解脫故七文

已見上文皆解脫故字言

說皆解脫故者即淨名中後三句合辨前

天女折身子已如前引

文一染淨二分皆嚴法界而無嚴故二上

二分業不相知故三各自莊飾淨染世間

果報無失即同真故總上二分皆是般若

波羅密普莊嚴故所以思之皆嚴法界而

剛云莊嚴佛土即非莊嚴是名莊嚴謂雖

後莊嚴無能嚴心則稱實理事理無礙方

真嚴也總上二

分下結法所屬

漸次遊行至三眼國於城邑聚落村鄰市肆

川原山谷一切諸處周徧求覓善見比丘

二趣求後友於市肆等處處求者顯隨緣

造修無不在故

見在中經行往返壯年美貌端正可喜其

髮紺青右旋不亂頂有肉髻皮膚金色頸文

三道額廣平正眼目脩廣如青蓮華脣口丹

潔如頻婆果臘標卍字七處平滿其臂纖長

其指網缦手足掌中有金剛輪其身殊妙如

淨居天上下端直如尼拘陀樹諸相隨好悉

皆圓滿如雪山王種種嚴飾目視不瞬圓光

一尋

第二見在林中下見敬詔問中先見次敬

後問見中三先見身勝相見在林者行之

初故同佛相者如說修行順佛果故於中

七處平滿者兩手兩足兩肩及項言其身

殊妙如淨居天者準晉經即師子上身相矣上下端直如尼拘陀樹者準晉經云其身圓滿如尼俱陀樹此則但是一相言諸相隨好者上但列十四故總結之目視不

瞬圓光一尋復是二相都列十六耳餘至

瞿波處釋此則但是一相者以晉經合其

上聳相稱非如建木一向直聳非如傍覆一一向婆娑故云上下端直若順樹相圍滿最妙此明不長不短如人橫尋與身相稱七尺之人尋亦

七尺此爲福相

智慧廣博猶如大海於諸境界心無所動若

沈若舉若智非智動轉戲論一切皆息得佛

所行平等境界大悲教化一切衆生心無暫捨爲欲利樂一切衆生爲欲開示如來法眼

爲踐如來所行之道不遲不速審諦經行

二智慧下明其心相即止觀雙運止過則

第七

十一

沉智過則舉不沉不舉則正受現前不智

不愚則雙契中道起念止觀皆成動轉雙非再遣未離戲論雖止觀雙運而無心寂

照則一切皆息爲踐如來所行之道隨所履道即是法門

明其心相者然世之相亦有三類一色相二聲相三

心相心相最勝然可修成舍弘仁惠是勝相心相也今此正明菩薩心相言即止觀雙運諸境下即止從止過下釋若沉若舉已於遺蘿亦所不論二細沉舉却如疏辨若靜舉此相不釋正受現前然經一切是雙行不沉不舉故靜云無即下於不智不愚則雙契中道者即取下皆息該此名不智不愚若智牒前觀也非故戲論即爲動轉今由兩亡故無動轉皆息若止觀斯則第四雙非有止觀方前照同時等互雙運其成皆觀方前

平等即是如如
平等之境

無量天龍夜叉乾闥婆阿脩羅迦樓羅緊那

願爲我說菩薩云何學菩薩行云何修菩薩道
第十七

羅摩曇羅伽釋梵護世人與非人前後圍繞

主方之神隨方迴轉引導其前足行諸神持寶蓮華以承其足無盡光神舒光破闇闇浮

幢林神雨衆雜華不動藏地神現諸寶藏普

光明虛空神莊嚴虛空成就德海神雨摩尼寶無垢藏須彌山神頭頂禮敬曲躬合掌無凝力風神雨妙香華春和主夜神莊嚴其身舉體投地常覺主晝神執普照諸方摩尼幢

住在虛空放大光明

三無量下明諸侍從不無表法恐繁不說時善財童子詣比丘所頂禮其足曲躬合掌白言聖者我已先發阿耨多羅三藐三菩提心求菩薩行我聞聖者善能開示諸菩薩道

敬問可知

善見答言善男子我年既少出家又近我此生中於三十八恒河沙佛所淨修梵行或有佛所一日一夜淨修梵行或有佛所七日七夜淨修梵行或有佛所半月一月一歲百歲萬歲億歲那由他歲乃至不可說不可說歲或一小劫或半大劫或一大劫或百大劫乃至不可說不可說大劫聽聞妙法受行其教莊嚴諸願入所證處淨修諸行滿足六種波羅蜜海亦見彼佛成道說法各各差別無有雜亂住持遺教乃至滅盡亦知彼佛本所興願以三昧願力嚴淨一切諸佛國土以入一切行三昧力淨修一切諸菩薩行以普賢乘

出離力清淨一切佛波羅密

第三善見答下正示法界中二初示依緣
得法後又善男子下顯法業用今初分三
初總序初入行位故云年少創離十住之
家名爲出家又近言我此生者畧有二義

一念劫圓融故如毘目處說二顯入解行
生非見聞生故供三十八恒沙者過前位
故次或有下明所修時分後聽聞下所作
成益於中初自修願智行次見果用後知
佛修因

又善男子我經行時一念中一切十方皆悉
現前智慧清淨故一念中一切世界皆悉現
前經過不可說不可說世界故一念中不可
說不可說佛刹皆悉嚴淨成就大願力故一
念中不可說不可說衆生差別行皆悉現前

滿足十力智故一念中不可說不可說諸佛
清淨身皆悉現前成就普賢行願力故一念
中恭敬供養不可說不可說佛刹微塵數如
來成就柔軟心供養如來願力故一念中領
受不可說不可說如來法得證阿僧祇差別
法住持法輪陀羅尼力故一念中不可說不
可說菩薩行海皆悉現前得能淨一切行如
因陀羅網願力故一念中不可說不可說諸
三昧海皆悉現前得於一三昧門入一切三
昧門皆令清淨願力故一念中不可說不可
說諸根海皆悉現前得了知諸根際於一根
中見一切根願力故一念中不可說不可說
佛刹微塵數時皆悉現前得於一切時轉法
輪衆生界盡法輪無盡願力故一念中不可
說不可說一切三世海皆悉現前得了知一

切世界中一切三世分位智光明願力故

二顯法業用中有十二句各先辨業用後

出所由然不出願智行如文思之總云一

念者以得無依無念智故無法不現

善男子我唯知此菩薩隨順燈解脫門如諸

第十七

菩薩摩訶薩如金剛燈於如來家真正受生

具足成就不死命根常然智燈無有盡滅其

身堅固不可沮壞現於如幻色相之身如緣

起法無量差別隨衆生心各各示現形貌色
相世無倫匹毒刃火災所不能害如金剛山

無能壞者降伏一切諸魔外道其身妙好如

真金山於天人中最爲殊特名稱廣大靡不

聞知觀諸世間咸對目前演深法藏如海無

盡放大光明普照十方若有見者必破一切
障礙大山必拔一切不善根本必令種植廣

大善根如是之人難可得見難可出世而我

云何能知能說彼功德行

第四謙已推勝中謙已結前名隨順燈者

用無念之真智順法順機無不照故後如

諸下推勝中初句爲總亦別顯家族勝上

但云燈照未必常故今推之明金剛智燈

覲證真如爲真正生則常照矣不同解行

生也二報命勝由所證常故即金剛義三

內智勝如於所證無盡滅故即是燈義四

報體勝法性成身相不還故亦金剛義五

第十八

現於下明業用勝即對上隨順義以是即
體之用故皆不可壞餘並可知指示後友

次文當說

善男子於此南方有一國土名曰名聞於河

渚中有一童子名自在主汝詣彼問菩薩云

何學菩薩行修菩薩道

時善財童子爲欲究竟菩薩勇猛清淨之行
欲得菩薩大力光明欲修菩薩無勝無盡諸
功德行欲滿菩薩堅固大願欲成菩薩廣大
深心欲持菩薩無量勝行於菩薩法心無厭
足願入一切菩薩功德欲常攝御一切衆生
欲超生死稠林曠野於善知識常樂見聞承
事供養無有厭倦頂禮其足繞無量帀慇懃
瞻仰辭退而去

爾時善財童子受善見比丘教已憶念誦持
思惟修習明了決定於彼法門而得悟入天
龍夜叉乾闥婆衆前後圍繞向名聞國周徧
求覓自在主童子時有天龍乾闥婆等於虛
空中告善財言善男子今此童子在河渚上

第二自在主寄饒益行

寄饒益行者三聚淨我能益自他故

自在主言善男子我昔曾於文殊師利童子

發阿耨多羅三藐三菩提心而未知菩薩云
何學菩薩行云何修菩薩道願爲解說

第二爾時善財下見敬諮問中見聚沙者
恒沙功德由戒積集故

云饒益初依教趣求國曰名聞者能持淨戒現世果故河渚上者若持淨戒生死愛河不漂溺故又無量福河常流注故童子自在主者三業無非六根離過故得自在則戒爲主矣戒淨無染故云童子能持淨戒現世果故戒者戒經云明人能獲戒能得三種樂名譽及利養死得生天上福河常流注者不持戒故於無盡境皆發勝福故

爾時善財即詣其所見此童子十千童子所共圍繞聚沙爲戲善財見已頂禮其足繞無量帀合掌恭敬却住一面白言聖者我已先

第七十六

發阿耨多羅三藐三菩提心而未知菩薩云

何學菩薩行云何修菩薩道願爲解說

所修學書數算印等法即得悟入一切工巧
神通智法門

第三自在主言下正示法界於中二初舉
法門名體二善男子我因下明業用今初
文殊所學者有智能護戒故書者能詮止
作分明故數者表四重十重乃至三千歲
儀八萬細行故算者一一之因感幾何果
故印者持犯善惡感果決定故等者等餘
醫方成五明故上明所學下辨所悟工巧
神通皆智所爲故亦表修戒發定慧故智有

兼復戒者文殊主智故此言亦是戒經云
當觀如是處有智勤雙戒淨有智慧便
得第一道釋曰上二句以智爲因下二句
是智之果四重十重者四重通二乘別
說戒十重已下大乘四重通亦唯大故爾
勤受戒焉專但受四不可過謂十重之
最後四戒謂堅嗔譴毀及謗三寶故成
明者五明在下業中上之諸名然但是
地中義並如五

善男子我因此法門故得知世間書數算印
界處等法亦能療治風癘消瘦鬼魅所著如
是所有一切諸病亦能造立城邑聚落園林
臺觀宮殿屋宅種種諸處亦善調鍊種種仙
藥亦善營理田農商賈一切諸業取捨進退
咸得其所又善別知衆生身相作善作惡當
生善趣當生惡趣此人應得聲聞乘道此人
應得緣覺乘道此人應入一切智地如是等
事皆悉能知亦令衆生學習此法增長決定
究竟清淨善男子我亦能知菩薩算法所謂
一百洛叉爲一俱胝俱胝俱胝爲一阿庾多
阿庾多阿庾多爲一那由他那由他那由他
爲一頻婆羅頻婆羅頻婆羅爲一矜羯羅廣
說乃至優鉢羅優鉢羅爲一波頭摩波頭摩
波頭摩爲一僧祇僧祇僧祇爲一趣趣趣爲

一喻喻喻爲一無數無數無數爲一無數轉無數轉無數轉爲一無量無量無量爲一無量轉無量轉爲一無邊無邊無邊爲一無邊轉無邊轉無邊轉爲一無等無等無等爲一無等轉無等轉無等轉爲一不可數等爲一無等轉無等轉無等轉爲一不可數

不可數不可數爲一不可數轉不可數轉不

可數轉爲一不可稱不可稱不可稱爲一不可稱轉不可稱轉不可稱轉爲一不可思不可思不可思爲一不可思轉不可思轉不可思轉爲一不可量不可量不可量爲一不可

量轉不可量轉不可量轉爲一不可說不可說不可說爲一不可說轉不可說轉不可說轉爲一不可說不可說此又不可說不可說爲一不可說不可說轉善男子我以此下算彼所算餘三段可知二明業用中三初總明者此之
三論體即言論諍論等雜論諸者即餘三
明數施設建立名句文身等故其數算印即聲
處等法即是因明故新經云種種智論名
是論體即言論諍論等雜論諸者即餘三
明一即聖方明於中風癘消瘦是病相鬼
魅所着亦是病相亦是病因因鬼等病故
其能療治即除斷能字亦是斷已不生
巧今畧有五一營造工業二以善調練
算法算無量由自廣大沙聚悉知其內顆粒

多少亦能算知東方所有一切世界種種差別次第安住南西北方四維上下亦復如是亦能算知十方所有一切世界廣狹大小及以名字其中所有一切劫名一切佛名一切法名一切衆生名一切業名一切菩薩名一切諦名皆悉了知

管農工業四商賈即商業其一切諸業即該諸文所不說者更有七不說謂音樂書算成熟方所事王變化呢術五又善作惡下即是內明然瑜伽有四苑設建立一學決定究竟即攝聖教四所應知今明於理於中事因習其三藏故下知三乘亦華明攝

善男子我唯知此一切工巧大神通智光明

法門如諸菩薩摩訶薩能知一切諸衆生數能知一切諸法品類數能知一切諸法差別數能知一切三世數能知一切衆生名數能知一切諸法名數能知一切諸如來數能知

一切諸佛名數能知一切諸菩薩數能知一切菩薩名數而我何能說其功德示其所行顯其境界讚其勝力辯其樂欲宣其助道彰其大願歎其妙行闡其諸度演其清淨發其殊勝智慧光明

善男子於此南方有一大城名曰海住有優婆夷名爲具足汝詣彼問菩薩云何學菩薩行修菩薩道

時善財童子聞是語已舉身毛豎歡喜踊躍獲得希有信樂寶心成就廣大利衆生心悉能明見一切諸佛出興次第悉能通達甚深智慧清淨法輪於一切趣皆隨現身了知三世平等境界出生無盡功德大海放大智慧自在光明開三有城所有關鑰項禮其足繞無量而慇懃瞻仰辭退而去

爾時善財童子觀察思惟善知識教猶如巨海受大雲雨無有厭足作是念言善知識教猶如春日生長一切善法根苗善知識教如夏如滿月凡所照及皆使清涼善知識教如雪山能除一切諸獸熱渴善知識教如芳池

日能開一切善心蓮華善知識教如大寶洲

種種法寶充滿其心善知識教如閻浮樹積

集一切福智華果善知識教如大龍王於虛

空中遊戲自在善知識教如須彌山無量善

法三十三天於中止住善知識教猶如帝釋

衆會圍繞無能映蔽能伏異道脩羅軍衆如

是思惟

第三具足優婆夷寄無違逆行

寄無違逆行忍順物

理名無違逆
達逆城名海住者近海而住故安住於

忍如海包含故友名具足者一器之中無

不具故忍器徧容一切德故忍辱柔和故

寄女人

漸次遊行至海住城處尋覓此優婆夷時

彼衆人咸告之言善男子此優婆夷在此城

中所住宅內

文中初依教趣求可知

善財聞已即詣其門合掌而立其宅廣博種

種莊嚴眾寶垣牆周匝圍繞四面皆有寶莊

嚴門善財入已見優婆夷處於寶座盛年好

色端正可喜素服垂髮身無瓔珞其身色相

威德光明除佛菩薩餘無能及於其宅內數

十億座超出人天一切所有皆是菩薩業力

成就宅中無有衣服飲食及餘一切資生之

物但於其前置一小器復有一萬童女圍繞

威儀色相如天采女妙寶嚴具莊飾其身言

音美妙聞者喜悅常在左右親近瞻仰思惟

觀察曲躬低首應其教命彼諸童女身出妙

香普薰一切若有衆生遇斯香者皆不退轉

無怒害心無怨結心無憊嫉心無詬詬心無

險曲心無憎愛心無瞋恚心無下劣心無高

慢心生平等心起大慈心發利益心住律儀
心離貪求心聞其音者歡喜踊躍見其身者
悉離貪染

第二善財聞已下見敬詣問初見中一
見外依報二見友正報端正可喜者忍之
報故素服等者忍華飾故三於其宅下見
內依報四復有下明其眷屬萬行皆順忍
故

爾時善財既見具足優婆夷已頂禮其足恭
敬圍繞合掌而立白言聖者我已先發阿耨
多羅三藐三菩提心而未知菩薩云何學菩
薩行云何修菩薩道我聞聖者善能誘誨願
爲我說

二敬三問並可知

彼即告言善男子我得菩薩無盡福德藏解

脫門能於如是一小器中隨諸衆生種種欲
樂出生種種美味飲食悉令充滿假使百衆
生千衆生百千衆生億衆生百億衆生千億
衆生百千億那由他衆生乃至不可說不可
說衆生假使閻浮提微塵數衆生一四天下
微塵數衆生小千世界中千世界大千世界
乃至不可說不可說佛刹微塵數衆生假使
十方世界一切衆生隨其欲樂悉令充滿而
其飲食無有窮盡亦不減少如是飲食如是
種種上味種種牀座種種衣服種種卧具種
種車乘種種華種種髮種種香種種塗香種
種燒香種種末香種種珍寶種種瓔珞種種
幢種種幡種種蓋種種上妙資生之具隨意
所樂悉令充足

第三彼即下正示法界於中二初舉法門

名體器中出物與福無盡故稱法界福之

所招故後能於如是下辨業用中三初正

顯業用次令見同益三使其目驗前中三

初益衆生次益二乘後益菩薩今初亦三

初總明以是稱性之具即一小器融同法

界無盡緣起故用無不應應無不益而其

法界體無增減又表忍必自卑故小法忍

同如一味爲一內空外假爲器忍能包含

無外故隨出無盡次出生下別明出味後
又表忍必自果下上

如飲食下舉一例餘直約善友依報釋此

下約表位釋忍必謙卑卑而不可過故小

而大容上通二忍法忍同如即諦察法忍

內空外假者挺填以爲器當其無有器之

用即假能用即空能大無有不成於空故

故因外假而內有所用老子云有之以爲

利無之以爲用無空不成於假故空能多

中道器也

又善男子假使東方一世界中聲聞獨覺食

七

三

二又善男子假使下明益二乘二乘雖不

我食已皆證聲聞辟支佛果住最後身如一
世界中如是百世界千世界百千世界億世
界百億世界千億世界百千億世界百千億
那由他世界闍浮提微塵數世界一四天下
微塵數世界小千國土微塵數世界中千國
土微塵數世界三千大千國土微塵數世界
乃至不可說不可說佛刹微塵數世界中所
有一切聲聞獨覺食我食已皆證聲聞辟支
佛果住最後身如於東方南西北方四維上
下亦復如是又善男子東方一世界乃至不
可說不可說佛刹微塵數世界中所有一生
所繫菩薩食我食已皆菩提樹下坐於道場
降伏魔軍成阿耨多羅三藐三菩提如東方
南西北方四維上下亦復如是

七

三

龍藏

立忍名亦忍盡無生理方成果故

如忍名義玄中三又善男子東方下益菩薩約事

如受於乳糜約法謂餐上品寂滅之忍得

菩提故淨名香積與此大同

約事初成道受二牧牛女乳糜亦如前引約事

食上品寂滅忍者上品屬佛故如十忍品

淨名香積與此大同

約事初成道受二牧牛女乳糜亦如前引約事

竟故然淨名有二處文一香積品中取飯來等

之食竟故然淨名有二處文一香積品中取飯來等

竟故然淨名有二處文一香積品中取飯來等

竟故然淨名有二處文一香積品中取飯來等

竟故然淨名有二處文一香積品中取飯來等

竟故然淨名有二處文一香積品中取飯來等

竟故然淨名有二處文一香積品中取飯來等

竟故然淨名有二處文一香積品中取飯來等

竟故然淨名有二處文一香積品中取飯來等

竟故然淨名有二處文一香積品中取飯來等

竟故然淨名有二處文一香積品中取飯來等

善男子汝見我此十童女眷屬以不答言

已見優婆夷言善男子此十千童女而爲上
首如是眷屬百萬阿僧祇皆悉與我同行同
願同善根同出離道同清淨解同清淨念同
清淨趣同無量覺同得諸根同廣大心同所
行境同理同義同明了法同淨色相同無量

前七

五五

力同最精進同正法音同隨類音同清淨第
一音同讚無量清淨功德同清淨業同清淨

報同大慈周普救護一切同大悲周普成熟
衆生同清淨身業隨緣集起令見者欣悅同
清淨口業隨世語言宣布法化同往詣一切

諸佛衆會道場同往詣一切佛刹供養諸佛
同能現見一切法門同住菩薩清淨行地善
男子是十千童女能於此器取上飲食一刹
那頃徧至十方供養一切後身菩薩聲聞獨
覺乃至徧及諸餓鬼趣皆令充足善男子此

十千女以我此器能於天中充足天食乃至
人中充足人食善男子且待須臾汝當自見
說是語時善財則見無量衆生從四門入皆
優婆夷本願所請既來集已敷座令坐隨其所
須給施飲食悉使充足

二善男子汝見下令見同益三且待下令

其目驗及後三段文並可知

告善財言善男子我唯知此無盡福德藏解
脫門如諸菩薩摩訶薩一切功德猶如大海
甚深無盡猶如虛空廣大無際如意珠滿
衆生願如大聚落所求皆得如須彌山普集
衆寶猶如奧藏常貯法財猶如明燈破諸黑
闇猶如高蓋普蔭羣生而我云何能知能說
彼功德行

善男子南方有城名曰大興彼有居士名曰

明智汝詣彼問菩薩云何學菩薩行修菩薩道

時善財童子頂禮其足繞無量帀瞻仰無厭辭退而去

爾時善財童子得無盡莊嚴福德藏解脫光

明已思惟彼福德大海觀察彼福德虛空趣
彼福德聚登彼福德山攝彼福德藏入彼福
德淵遊彼福德池淨彼福德輪見彼福德藏
入彼福德門行彼福德道修彼福德種漸次
而行至大興城周徧推求明智長者於善知
識心生渴仰以善知識熏習其心於善知識
志欲堅固方便求見諸善知識心不退轉願
得承事諸善知識心無懈倦知由依止善知
識故能滿衆善知由依止善知識故能生衆
福知由依止善知識故能長衆行知由依止

善知識故不由他教自能承事一切善友如
是思惟時長其善根淨其深心增其根性益
其德本加其大願廣其大悲近一切智具普
賢道照明一切諸佛正法增長如來十力光
明

第四明智居士寄無屈捷行

奇無屈捷行者憩無怠退

初依教趣求中初依前修治後漸次下
趣求後友城名大興者起大精進故友名
明智者進足必假智目導故

爾時善財見彼居士在其城內市四衝道七
寶臺上處無數寶莊嚴之座其座妙好清淨
摩尼以爲其身金剛帝青以爲其足寶繩交
絡五百妙寶而爲校飾敷天寶衣建天幢旛
張大寶網施大寶帳間浮檀金以爲其蓋毘
瑠璃寶以爲其竿令人執持以覆其上鵝王

羽翮清淨嚴潔以爲其扇熏衆妙香雨衆天華左右常奏五百樂音其音美妙過於天樂衆生聞者無不悅豫十千眷屬前後圍繞色相端嚴人所喜見天莊嚴具以爲嚴飾於天人中最勝無比悉已成就菩薩志欲皆與居士同

善根侍立瞻對承其教命爾時善財頂禮其足繞無量匝合掌而立白言聖者我爲利益一切衆生故爲令一切衆生出諸苦難故爲令一切衆生究竟安樂故爲令一切衆生出生死海故爲令一切衆生住法寶洲故爲令一切衆生枯竭愛河故爲令一切衆生起大慈悲故爲令一切衆生捨離欲愛故爲令一切衆生渴仰佛智故爲令一切衆生出生死曠野故爲令一切衆生樂諸佛功德故爲令一切衆生出三界城故爲令一切衆

生入一切智城故發阿耨多羅三藐三菩提心而未知菩薩云何學菩薩行云何修菩薩道能爲一切衆生作依止處

第二爾時善財下見敬諮問中先見於市四衢者表處喧不撓無不通故敬問可知

長者告言善哉善男子汝乃能發阿耨多羅三藐三菩提心善男子發阿耨多羅三藐三菩提心是人難得若能發心是人則能求菩薩行值遇善知識恒無厭足親近善知識恒無勞倦供養善知識恒不疲懈給侍善知識不生憂感求覓善知識終不退轉愛念善知識終不放捨承事善知識無暫休息瞻仰善知識無時憇止行善知識教未曾怠惰稟善知識心無有誤失善男子汝見我此衆會人不善財答言唯然已見居士言善男子

我已令其發阿耨多羅三藐三菩提心生如來家增長白法安住無量諸波羅密學佛十力離世間種住如來種棄生死輪轉正法輪滅三惡趣住正法趣如諸菩薩悉能救護一切衆生

廿七

二十八

第三長者告下稱讚授法中三初歎發心勝能二善男子汝見下示已所化發心眷屬生如來家者同四住中生也生聖教家以三賢十聖大類
相似故前同四住後同四地

善男子我得隨意出生福德藏解脫門凡有所須悉滿其願所謂衣服瓔珞象馬車乘華香幢蓋飲食湯藥房舍屋宅牀座燈炬奴婢牛羊及諸侍使如是一切資生之物諸所須悉令充滿乃至爲說真實妙法善男子且待須臾汝當自見說是語時無量衆生從種

廿七

二十九

種方所種種世界種種國土種種城邑形類各別愛欲不同皆以菩薩往昔願力其數無邊俱來集會各隨所欲而有求請爾時居士知衆普集須臾繫念仰視虛空如其所須悉從空下一切衆會普皆滿足然後復爲說種種法所謂爲得美食而充足者與說種種集福德行離貧窮行知諸法行成就法喜禪悅食行修習具足諸相好行增長成就難屈伏行善能了達無上食行成就無盡大威德力降魔冤行爲得好飲而充足者與其說法令於生死捨離愛著入佛法味爲得種種諸上味者與其說法皆令獲得諸佛如來上味之相爲得車乘而充足者與其宣說種種法門皆令得載摩訶衍乘爲得衣服而充足者與其說法令得清淨慚愧之衣乃至如來清淨

妙色如是一切靡不周贍然後悉爲如應說法既聞法已還歸本處

三善男子我得下正示法界於中二先舉名財法無盡蘊在虛空隨意給施故名隨意出生福德藏亦表見空無不備故後足有下顯業用於中二一畧舉二善男子且待下舉事現驗於中先見衆集後爾時居士下廣施財法先施財後然後下施法於施一食令成八行初二約施餘六約食食有五果一得之諸法即是慧命二得喜悅即常安樂三具相好即是常色四六即常力五即常辨言上味相者牙有甘露泉故餘可準思食有五果者即涅槃第二如來安無礙辨由施於食益命益色益力益安益辨才故近得此五由是無常終得常五安並如廻向品中已釋今此且配

爾時居士爲善財童子示現菩薩不可思議解脫境界已告言善男子我唯知此隨意出生福德藏解脫門如諸菩薩摩訶薩成就寶手偏覆一切十方國土以自在力普雨一切資生之具所謂兩種種色寶種種色瓔珞種種色寶冠種種色衣服種種色音樂種種色華種種色香種種色末香種種色燒香種種色寶蓋種種色幢旛偏滿一切衆生住處及諸如來衆會道場或以成熟一切衆生或以供養一切諸佛而我云何能知能說彼諸功德自在神力善男子於此南方有一大城名師子宮彼有長者名法寶髻汝可往問菩薩云何學菩薩行修菩薩道

第四爾時居士下謙已推勝可知第五善男子下指示後友城名師子宮者禪定無

亂如彼深宮處之則所說決定作用無畏
故以爲名友名法寶髻者綰攝諸亂居心
頂故定含明智加以寶名以喻顯法名法

寶髻

時善財童子歡喜踊躍恭敬尊重如弟子禮

第十七

三十一

作如是念由此居士護念於我令我得見一
切智道不斷愛念善知識見不壞尊重善知
識心常能隨順善知識教決定深信善知識
語恒發深心事善知識頂禮其足繞無量而
慇勤瞻仰辭退而去

大方廣佛華嚴經疏鈔會本第六十五

音釋

膚芳無切網縵網文爾切縵莫官切網縵
皮膚也網縵謂佛指間皮相連如鷺屬
掌瞬舒闊切療力醫切瘡胡間切商賈商
羊切行賣也顆粒纓苦果切鑰開下牡切
公戶切坐販也颗粒粒力入切鑰鑰以灼切

也翻下革切鳥之勁羽也憩息也倒切撓女巧切
垣戶連切和土也綰烏版切羈居宜切
分也垣丞職切黏土也綰繫也羈繫也折